

LIGJI NR. 06/L-115

**PËR NDRYSHIMIN DHE PLOTËSIMIN E LIGJIT NR. 2003/24 PËR SPORT I NDRYSHUAR
DHE PLOTËSUAR ME LIGJIN NR. 04/L-075**

Kuvendi i Republikës së Kosovës,

Në mbështetje të nenit 65 (1) të Kushtetutës së Republikës së Kosovës,

Miraton:

**LIGJ PËR NDRYSHIMIN DHE PLOTËSIMIN E LIGJIT NR. 2003/24 PËR SPORT I
NDRYSHUAR DHE PLOTËSUAR ME LIGJIN NR. 04/L-075**

**Neni 1
Qëllimi**

Qëllimi i këtij ligji është ndryshimi dhe plotësimi i Ligjit nr.2003/24 për Sport.

Neni 2

Neni 77 i ligjit bazik, paragrafi 1., ndryshohet dhe riformulohet si në vijim:

Neni 77

1. Me dënim me gjobë, prej pesëqind (500) euro deri dymijë (2,000) euro, dënohet personi profesional i cili detyron sportistin të stërvitet ose të merr pjesë në gara sportive kur nuk është i aftë për shkak të ndonjë lëndimi ose sëmundjeje.

Neni 3

1. Neni 78 i ligjit bazik, paragrafi 1. ndryshohet, si në vijim:

1. Me dënim me gjobë, prej pesëqind (500) euro deri dymijë (2,000) euro, dënohet personi i cili jep ose merr preparate stimuluese të cilat janë të ndaluara dhe të dëmshme për shëndet. Personat e tillë dënohen edhe me ndalimin e ushtrimit të profesionit për kohë të caktuar prej një (1) deri në tre (3) vjet.

2. Neni 78 i ligjit bazik, paragrafi 2. fshihet.

Neni 4

Neni 79 i ligjit bazik, paragrafi 1., ndryshohet dhe riformulohet si në vijim:

Neni 79

1. Me dënim me gjobë prej një mijë (1,000) euro deri në dymijë (2,000) euro, dënohet personi fizik si organizator i garave dhe shfaqjeve sportive, i cili nuk siguron ndihmën e shpejtë medicinale gjatë kohës së mbajtjes së garave ose shfaqjeve sportive, ndërsa personi juridik si organizator i garave sportive dënohet nga dymijepesëqind (2,500) euro deri në dhjetëmijë (10,000) euro.

Neni 5
Hyrja në fuqi

Ky ligji hyn në fuqi pesëmbëdhjetë (15) ditë pas publikimit në Gazetën Zyrtare të Republikës së Kosovës.

Ligji Nr. 06/L-115
7 mars 2019

Shpallur me dekretin Nr. DL-79-2019, datë 25.03.2019 nga Presidenti i Republikës së Kosovës Hashim Thaçi